

*Gaelcholáiste Chomáin,
Ros Dumhach, Béal an Átha, Co. Mhaigh Eo*

POLASÁÍ IONTRÁLA MAIDIR LEIS AN SCOILBHLLAIN 2024/2025

Iar-bhunscoil Gaelcholáiste Chomáin

Bunófar iarratas ar chead iontrála ar chur i bhfeidhm an Pholasaí seo, ar an eolas atá leagtha amach i bhFógra Iontrála bliantúil na scoile agus ar an eolas a chuireann an t-iarratasóir ar fáil ina iarratas iontrála, nuair a bheidh sé faighte roimh an dáta deiridh a n-glacfar le hiarratais mar atá leagtha amach sa bhFógra Iontrála. Is é/í Príomhoide Gaelcholáiste Chomáin atá freagrach as an bPolasaí Iontrála seo a chur i bhfeidhm.

Tá Gaelcholáiste Chomáin suite i Ros Dumhach in Iarthuaisceart Mhaigh Eo, thart ar 20 míle ó thuaidh de Bhéal an Mhuirthead i gcoílár Ghaeltacht Iorrais. Bhunaigh Gael Linn an meánscoil i 1959 agus tháinig sí faoi bhainistíocht Choiste Ghairmoideachais Chontae Mhaigh Eo i 1972. Tá sí faoi bhainistíocht Bhord Oideachais agus Oiliúna Mhaigh Eo/Shligigh/Liatroma.

Ráitheas Misean

Is ionad iomlán foghlama é Coláiste Chomáin, áit a chaitear le gach duine mar dhuine faoi leith. Oibríonn an fhoireann agus na daltaí le chéile chun barrfeabhas a bhaint amach i dtimpeallacht shábháilte agus chairdiúil, áit a mbíonn atmaisféar de chomhmheas agus de chomhoibriú i bhfeidhm.

Fís

Tá sé i gceist againn an acmhainn seo a fhorbairt trí churaclam meáite trí mheán na Gaeilge a chur ar fáil a fhreastlaíonn ar riachtanais phearsanta agus chomhchoiteann ár ndaltaí. Tugann muid tosaíocht don éiteas speisialta atá ag an scoil Ghaeltachta, le béim ar an dteanga, ar an gcultúr agus ar an dtraidisiún Gaelach.

Aidhmeanna

Is iad seo a leanas aidhmeanna oideachasúil Choláiste Chomáin Ros Dumhach:

Oideachas a chur ar fáil trí mheán na Gaeilge a dhéanann iarracht daltaí a scaoileadh saor, cumhacht a thabhairt dóibh agus iad a spreagadh chun úsáid a bhaint as a dtalann aonair le muinín.

Forbairt mhorálta, acadúil, shóisialta agus phearsanta na ndaltaí a chur chun cinn i gcomhchomhairle lena dtuismitheoirí.

Spreagadh a thabhairt dóibh sármhaitheas a bhaint amach agus spreagadh a thabhairt dóibh forbairt i dtreo a gcumas iomlán.

Curaclam iomlánaíoch leathan a chur ar fáil a chabhraíonn le daltaí a gcumas iomlán a bhaint amach agus léirthuisicint a fháil ar fhoghlaim.

Gach deis a thabhairt do dhaltaí cumhachtaí smaointeachais chriticiúil a fhorbairt, rud a chiallaíonn go mbeidh neamhspleáchas intinne acu i dtreo saoránacht réasúnta.

Léirthuisicint ar oidhreacht agus ar chultúr a chothú.

Tuilleadh eolais ar www.gcr.ie

CLÁR NA nÁBHAR

CUID A – Eolas Ginearálta do gach Iarratasóir

1. Gluais na dtéarmaí
2. Ráiteas Iontrála
3. Creat Dlí
4. Coinníollacha Ginearálta Iontrála

CUID B - Eolas do Chatagóirí ar leith d'Iarratasóirí

5. Iarratas a dhéanamh ar Ghrúpa na Chéad Bhliana
6. Iarratas a dhéanamh ar na Bliainghrúpaí Eile go Léir Seachas an Chéad Bhliain

CUID A

Eolas Ginearálta do Gach Iarratasóir

- 1. Gluais na dtéarmaí***
- 2. Ráiteas Iontrála***
- 3. Creat Dlí***
- 4. Coinníollacha Ginearálta Iontrála (do gach Iarratasóir)***

1 GLUAIS NA DTÉARMAÍ

Is éard is brí le h'**Iarratasóir**' ná tuismitheoir/caomhnóir Dalta, nó, i gcás Dalta a bhfuil 18 bliana sroichte aige/aici, an Dalta féin, a bhfuil iarratas iontrála déanta aige ar Gaelcholáiste Chomáin.

Is éard is brí le '**Dalta**' an duine a bhfuil iarratas á dhéanamh thar a c(h)eann. Tugtar le fios gur dalta 'ionchasach' atá i gceist leis an bhfocal sin agus an focal sin in úsáid síos tríd an Polasaí seo mar chuid den léirmhíniú. Is é sin, ní hionann go bhfuiltear ag úsáid an fhocail 'Dalta' agus go bhfuil glactha lena iarratas/hiarratas ionas go mbíonn glactha leis/léi ina D(h)alta i Gaelcholáiste Chomáin de bhua iarratais amháin.

'Inscne', i gcomhréir leis an sainmhíniú maidir leis "*an bhforas inscne*" san Acht um Stádas Comhionann 2000 "*gur fear é duine acu agus gur bean í an duine eile*".

Ní dhéanann seo dochar d'aon Dalta atá idirghnéasach nó a aithníonn iad féin a bheith Andraigíneach/Andraigin, Dé-inscneach, Leathinscneach, Solúbtha ó thaobh Inscne de, Aiteach ó thaobh Inscne de, Ilinscneach, Neutrois, Neamh-Dhénártha, Trasinscne, Trasghnéasach nó eile.

Tagraíonn '**Ceantar na Scoile**' don cheantar cónaithe ainmnithe chun iarratas a dhéanamh ar Gaelcholáiste Chomáin] maidir leis an duine a bhfuil iarratas á dhéanamh thar a c(h)eann. Déantar ceantar na scoile maidir le [Gaelcholáiste Chomáin] a shainmhíniú mar: Barúntacht Iorrais.

Tá an bhrí chéanna le '**Tuismitheoir**' is atá san Acht Oideachais 1998 agus áirítear leis sin tuismitheoir altrama agus caomhnóir arna gceapadh faoi na hAchtanna um Chaomhnóireacht Leanaí 1964 go 1997.

Tagraíonn '**Bunscoileanna Friothálacha**' do na bunscoileanna is rogha chun iarratas a dhéanamh ar Gaelcholáiste Chomáin. Is iad na bunscoileanna Friothálacha maidir le Gaelcholáiste Chomáin ná:

- 1.1. Scoil Náisiúnta Ros Dumhach, Ros Dumhach, Béal An Átha, Co. Mhaigh Eo
- 1.2. Scoil Muire Gan Smal, Ceathrú Thaidhg Ceathrú Thaidhg, Béal An Átha,

Co. Mhaigh Eo

- 1.3. Scoil Naomh Pól, Gleann Na Muaidhe, Béal An Átha, Co. Mhaigh Eo
- 1.4. Scoil Náisiúnta Poll a tSómais, Béal An Átha, Co. Mhaigh Eo.

Is éard is brí leis an '**gCéad Bhliain**' an grúpa Daltaí a nglactar leo don rang nó an bhliain is sóisearaí sa scoil.

2 RÁITEAS IONTRÁLA

Is scoileanna stáit, comhoideachais, il-sainchreidmheacha iad scoileanna BOO a bhfuil na croíluachanna seo a leanas mar bhonn agus mar thaca acu:

- Barr Feabhais san Oideachas;
- Cúram;
- Comhionannas;
- Pobal agus
- Meas.



Is mar seo a leanas a dhéanann earnáil na mBOOanna, mar sholáthróir oideachais an stáit, scoil 'il-sainchreidmheach' a shainmhíniú:

Tugtar an deis chéanna do gach dalta rollú i scoileanna BOO i gcomhréir leis an Acht Oideachais (Ligean isteach i Scoileanna), 2018. Nuair atá daltaí ar an rolla, féachtar inár gcuid scoileanna leis na deiseanna céanna a chur ar fáil do gach dalta a bheith rannpháirteach sa churaclam agus i saol na scoile. Caitear go cothrom le gach ball de phobail na scoile i ngach gné de shaol na scoile gan beann ar chine, inscne, reiligiún/creideamh, aois, stádas teaghlaigh, stádas sibhialta, duine den Lucht Siúil, claonadh gnéis, cumas nó stádas socheacnamaíoch.

Cuirtear timpeallacht shlán fhisiciúil agus shóisialta ar fáil inár gcuid scoileanna a chothaíonn ceangal láidir i measc phobal na scoile agus an pobal i gcoitinne. Féachann gach scoil cur ar chumas gach dalta barr a gcumais a bhaint amach gan beann ar fhéiniúlacht nó cúlra. Cuirtear oideachas lán-ionchuimsithe chun cinn inár gcuid scoileanna ina n-aithnítear an iliomad féiniúlachtaí, creideamh agus luachanna daltaí, tuismitheoirí agus bhaill den fhoireann. Ullmhaímíd saoránaigh atá leathanaigeanta, a bhfuil tuiscint acu ar chultúir, atá freagrach agus a bhfuil meas acu ar chomhluachanna.

Caitear mar a chéile le daltaí de gach reiligiún agus creideamh i scoileanna BOO. Ní thugtar buntáiste d'aon ghrúpa ar leith seachas grúpa eile i dtimpeallacht ná i ngníomhaíochtaí scoile agus tugtar aitheantas ag an am céanna do dhaltaí de gach reiligiún agus creideamh agus éascaítear iad.

Dá réir sin, ní dhéanfaidh Gaelcholáiste Chomáin aon leithcheal maidir le Dalta a ligean isteach bunaithe ar na forais a leanas:

- 2.1. Inscne an Dalta nó an Iarratasóra. Sa chás nach nglacann scoil ach le hinscne amháin áfach, ní leithcheal é mura nglacann an scoil sin le Daltaí nach mbaineann leis an inscne sin;
- 2.2. Stádas sibhialta an Dalta nó Iarratasóra.
- 2.3. Stádas teaghlaigh an Dalta nó Iarratasóra.
- 2.4. Claonadh gnéis an Dalta nó Iarratasóra.
- 2.5. Reiligiún an Dalta nó Iarratasóra.
- 2.6. Míchumas an Dalta nó Iarratasóra.
- 2.7. Cine an Dalta nó Iarratasóra.
- 2.8. Gur duine den Lucht Siúil an Dalta nó an tIarratasóir.

Ní ghearrfaidh Gaelcholáiste Chomáin táillí ná íocaíochtaí ná ní beidh an scoil ag lorg ranníocaíochtaí mar choinníoll iontrála ná i ndáil le rollú leanúnach an Dalta.

3 CREAT DLÍ

Bunaíodh BORD OIDEACHAIS AGUS OILIÚNA MAIGH EO SLIGEACH AGUS LIATROIM (BOOMSL) faoin Acht um Boird Oideachais agus Oiliúna 2013 ina leagtar amach feidhmeanna gach BOO, lena n-áirítear scoileanna aitheanta, ionaid oideachais, agus saoráidí oideachais agus oiliúna a bhunú agus a choinneáil i limistéar feidhme gach BOO.

Coiste a bunaíodh faoi alt 44 den Acht um Boird Oideachais agus Oiliúna 2013 é bord bainistíochta Gaelcholáiste Chomáin agus is ionann sin chomh maith agus bord bainistíochta de réir bhrí an Achta Oideachais 1998.

Leagann an tAcht Oideachais (Ligean isteach i Scoileanna), 2018 agus an tAcht Oideachais (Leas) 2000 dualgas ar scoileanna Polasaí Iontrála a ullmhú agus a fhoilsiú.

Déantar foráil san Acht Oideachais 1998 do phróiseas achomhairc sa chás go ndiúltaítear le rollú. Leagtar amach an próiseas achomhairc in alt 5.3 maidir le hiarratais a dhéantar ar Ghrúpa na Céad Bhliana agus in alt 6.3 maidir le hiarratais a dhéantar ar gach bliain seachas ar Ghrúpa na Chéad Bhliana.

Comhoibreoidh Gaelcholáiste Chomáin leis an gComhairle Náisiúnta um Oideachas Speisialta i gcomhlíonadh feidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais Acu 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

Comhlíonfaidh Gaelcholáiste Chomáin le haon ordúchán a sheirbheálfar ar an bpátrún nó ar an mbord, de réir mar is ábhartha, faoi alt 37A agus le haon ordúchán a sheirbheálfar ar an mbord faoi alt 67(4)(b) den Acht Oideachais.

4 COINNÍOLLACHA GINEARÁLTA IONTRÁLA

Bunófar cinneadh ar iarratas ar iontráil:

- ar chur i bhfeidhm an Pholasaí Iontrála seo,
- ar Fhógra Iontrála bliantúil na scoile, agus
- ar an eolas a chuireann an t-iarratasóir ar fáil san iarratas ar iontráil.

Más amhlaidh, roimh thosach feidhme alt 62 den Acht Oideachais 1998 leis an Acht Oideachais (Ligean isteach i Scoileanna) 2018 an 1 Feabhra 2020, gur dheimhnigh Gaelcholáiste Chomáin, i scríbhinn, gur cuireadh Iarratasóir ar liosta maidir le leithdháileadh áiteanna scoile le haghaidh iontrála roimh an 1 Feabhra 2025, ansin beidh an deimhniú seo fós bailí agus tairgfear an áit sin don Iarratasóir.

Agus iarratas á phróiseáil, **ní chuirfidh** Gaelcholáiste Chomáin **na nithe seo a leanas san áireamh**:

- 4.1 Íocaíocht táillí nó ranníocaíochtaí leis an scoil;
- 4.2 Cumas acadúil, scileanna nó inniúlacht an Dalta; ach amháin más rud é:
 - go soláthraíonn an tIarratasóir fianaise ar an méid sin mar fhianaise ar leibhéal líofachta an Dalta sa Ghaeilge agus go bhfuil ró-iarratas ar an scoil;
- 4.3 Slí bheatha, stádas airgeadais, cumas acadúil, scileanna nó inniúlacht Tuismitheoir(í) Dalta;
- 4.4 Riachtanas go bhfreastalódh Dalta nó a T(h)uismitheoir(í) ar agallamh, lá oscailte nó cruinniú eile mar choinníoll iontrála;
- 4.5 An nasc atá ag Dalta leis an scoil toisc ball teaghlaigh a bheith aige/aici atá ag freastal nó a d'fhreastail roimhe sin ar an scoil ach amháin má bhaineann an nasc le siblín de chuid an Dalta atá ag freastal, nó a d'fhreastail, ar an scoil, [nó le tuismitheoir nó seantuismitheoir a d'fhreastail ar an scoil. Ní líonfar níos mó ná 25% de na háiteanna atá ar fáil, de réir mar a leagtar amach i bhFógra Iontrála na scoile don bhliain acadúil sin, leis an gcritéar seo, áfach.

4.6 An dáta agus an t-am a fuair an scoil iarratas iontrála fad is a fhaightear é le linn na tréimhse a shonraítear chun iarratais a fháil a leagtar amach san Fhógra Iontrála don bhliain acadúil sin.

Déanfaidh Gaelcholáiste Chomáin tairiscint ar áit **a bhreithniú** maidir le gach Dalta atá ag lorg iontrála sa scoil, **ach amháin i gcás [ceann de] na cásanna seo a leanas:**

4.7 Cliseann ar an Tuismitheoir a dheimhniú i scríbhinn go nglacann sé/sí le Cód Iompair na nDaltaí agus go ndéanfaidh sé/sí gach iarracht réasúnta lena chinntiú go gcloífídh an Dalta leis an gcód sin;

Sa chás go gcuireann Gaelcholáiste Chomáin iarratas san áireamh, gheobhaidh gach Dalta áit, ach amháin sa chás go bhfuil ró-iarratas ar an scoil, agus sa chás sin, cuirfear critéir roghnúcháin i bhfeidhm ar gach iarratas.

Déantar plé in Alt 5 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do Ghrúpa na Chéad Bhliana.

Déantar plé in Alt 6 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do na bliainghrúpaí uile seachas an Chéad Bhliain.

CUID B

Eolas do Chatagóirí Iarratasóirí ar Leith

- 5. Iarratas ar Ghrúpa na Chéad Bhliana***
- 6. Iarratas ar na Bliainghrúpaí uile seachas an Chéad Bhliain***

ALT 5

IARRATAS AR GHRÚPA NA CHÉAD BHLIANA

5 IARRATAS AR GHRÚPA NA CHÉAD BHLIANA

5.1 Coinníollacha Iontrála (Grúpa na Chéad Bhliana)

- 5.1.1. Ró-iarratas
- 5.1.2. Critéir roghnúcháin in ord tosaíochta
- 5.1.3. Próiseas roghnúcháin
- 5.1.4. Iarratais dhéanacha
- 5.1.5. Tairiscintí ar áit sa dara/tríú babhta
- 5.1.6. Glacadh le háit
- 5.1.7. Diúltú
- 5.1.8. Tairiscint a tharraingt siar
- 5.1.9. Achomhairc

5.2 Achomhairc

- 5.3.1. Achomharc sa chás gur bhain an diúltú le ró-iarratas
- 5.3.2. Achomharc sa chás gur bhain an diúltú le cúis eile seachas ró-iarratas
- 5.3.3. Bonn achomhairc

5.2.3. Bunús le hathbhreithniú an bhoird bainistíochta

Critéir roghnúcháin in ord tosaíochta

5.1 COINNÍOLLACHA IONTRÁLA (GRÚPA NA CHÉAD BHLIANA)

Sa chás nach bhfuil ró-iarratas ar Gaelcholáiste Chomáin, tairgfear áit sa scoil do gach Dalta, faoi réir ailt 4.7

5.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 5.1.2 iad thíos agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Gaelcholáiste Chomáin in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

5.1.2 Critéir roghnúcháin

Cuirfidh Gaelcholáiste Chomáin na critéir seo a leanas i bhfeidhm do Ghrúpa na Chéad Bhliana:

- 5.1.2.1 Má tá cónaí ar an Dalta i gCeantar na Scoile;
- 5.1.2.2 Má tá siblíní leis an Dalta cláraithe sa scoil faoi láthair;
- 5.1.2.3 Más rud é gur fhreastail an Dalta ar bhunscoil Scoil Náisiúnta Ros Dumhach.
- 5.1.2.4 Más rud é gur fhreastail an Dalta ar bhunscoil Scoil Naomh Pól, Gleann Na Muaidhe

5.1.2.5 Más rud é gur fhreastail an Dalta ar bhunscoil Scoil Muire Gan Smal, Ceathrú Thaidhg

5.1.2.6 Más rud é gur fhreastail an Dalta ar bhunscoil Scoil Náisiúnta Poll a tSómais

5.1.2.7

5.1.2.8 Má bhí siblíní leis an Dalta cláraithe sa scoil roimhe seo;

5.1.2.9 Má d'fhreastail tuismitheoir nó seantuismitheoir leis an Dalta ar an scoil (go huasmhéid 25% de na háiteanna atá ar fáil);

5.1.3 Próiseas roghnúcháin

Cuirfidh Gaelcholáiste Chomáin an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéar roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéar. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéar agus tairgfear áit do na hIarratasóirí a shásaíonn an critéar seo. Leantar ar aghaidh leis an bpróiseas seo **in aghaidh gach critéar roghnúcháin** go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó ná sin cothrom le chéile sa phróiseas roghnúcháin thuasluaite, cuirfidh [Gaelcholáiste Chomáin] crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

5.1.4 Iarratais dhéanacha

Meastar gur iarratas déanach é iarratas a fhaigheann Gaelcholáiste Chomáin i ndiaidh an dáta deiridh a d'fhoilsigh an scoil agus a bhí leagtha amach san Fhógra Iontrála, chun críocha an Pholasáí Iontrála seo.

Sa chás go mbíonn ró-iarratas ar Gaelcholáiste Chomáin agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais, **beag beann ar critéar roghnúcháin curtha ar iarratas faighte roimh an spriocdháta d'iarratais.** Cuirfear iarratais dhéanacha dá leithéid sin ar an liosta

feithimh de réir an dáta agus an ama a fuair an scoil iad, faoi réir ailt 4.7. **Ionas nach mbeadh aon amhras ann, ní bhaineann na critéar roghnúcháin le h-iarratas déanach.**

Sa chás nach bhfuil ró-iarratas ar Gaelcholáiste Chomáin, **i.e. nach bhfuil liosta feithimh ann** agus go bhfaigheann sí iarratas déanach, tairgfear áit sa scoil don Dalta atá ag lorg iontrála, faoi réir ailt 4.6, 4.7. agus baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Ghlacktha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

5.1.5 Tairiscintí ar áit sa dara/tríú babhta

Sa chás go mbíonn tairiscint ar áit i Gaelcholáiste Chomáin ag Dalta ach nach nglacann sé/sí léi, nó go dtarraingíonn an scoil siar í de réir choinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líontar gach áit sa scoil.

5.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlacktha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlacktha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlacktha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

5.1.7 Diúltú

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 5.1.7.1. Na cúiseanna nár tairgeadh áit i Gaelcholáiste Chomáin don Dalta;
- 5.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mbliainghrúpa ar a bhfuil an tIarratasóir ag déanamh iarratais;
- 5.1.7.3. Sonraí faoi áit an Dalta ar an liosta feithimh, más bainteach; agus
- 5.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7, iad ní féidir tairiscint iontrála a dhéanamh sa chás:

- 5.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

5.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 5.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 5.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 5.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(anna);

agus

- (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit don bhliain acadúil sin (agus ní cuirfear an scoláire ar an liosta feithimh). Más mian l'Iarrthóir áit don bhliain acadúil sin fós, caithfear iarratas nua a dhéanamh ar son an Dalta sin agus glacfar leis mar iarratais dhéanacha de réir alt 5.1.4 thuas.

5.1.9 Achomhairc

Féach alt 5.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Gaelcholáiste Chomáin maidir le hiontráil i nGrúpa na Chéad Bhliana.

Achomhairc

5.2.1 Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo achomharc a iarraidh ar an mbord bainistíochta i scríbhinn trí ' [Foirm BOMR1](#) ', atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfaidh bord bainistíochta Gaelcholáiste Chomáin ag Ros Dumhach, Béal an Atha, Co. Mhaigh Eo, eolas@gcr.ie , athbhreithniú uirthi. Ní mór don Iarratasóir athbhreithniú dá leithéid a lorg laistigh d'aon lá féilire is fiche ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, tar éis fhoilsiú an Pholasaí Iontrála seo, áfach, is aici sin a bheidh feidhm ina ionad sin. Ní mór Foirmeacha [BOMR1](#) comhlánaithe a sheoladh ar aghaidh chuig oifig na scoile nó ar líne chuig an ríomhphost eolas@gcr.ie.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair Coiste Achomhairc a bhunaigh an tAire Oideachais faoi alt 29A den Acht Oideachais 1998. Ní mór achomhairc a dhéanamh i scríbhinn ar 'Foirm Iarratais ar Achomharc Alt 29' agus ní mór í a sheoladh ar aghaidh chuig

an Aonad Riaracháin Achomhairc Alt 29 sa Roinn Oideachais. Is féidir an 'Fhoirm Iarratais ar Achomharc Alt 29' a íoslódáil ó láithreán gréasáin na Roinne nó is féidir í a fháil díreach ón Aonad Riaracháin Achomhairc Alt 29 sa Roinn Oideachais.

Tá sonraí teagmhála an Aonaid ar fáil ar láithreán gréasáin na Roinne. De réir 'Nósanna Imeachta don Éisteacht agus don Chinneadh ar Achomhairc faoi Alt 29' na Roinne Oideachais, níor cheart achomharc dá leithéid a thabhairt nó go mbíonn comhfhreagras faighte ag an Iarratasóir ón mbord bainistíochta maidir leis an athbhreithniú, nó go dtí go mbíonn 42 lá féilire caite ó dháta an chéad dhiúltaithe agus ní féidir é a thabhairt tráth is déanaí ná 63 lá féilire tar éis an chéad chinnidh iontráil a dhiúltú.

5.2.2 Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i Gaelcholáiste Chomáin dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, cinneadh a dhéanamh ar dtús athbhreithniú a iarraidh ar an mbord bainistíochta ach Foirm [BOMR1](#) , atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfaidh bord bainistíochta Gaelcholáiste Chomáin athbhreithniú uirthi. Ní mór don Iarratasóir athbhreithniú dá leithéid a lorg laistigh d'aon lá féilire is fiche ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, tar éis fhoilsiú an pholasaí seo, áfach, is aici sin a bheidh feidhm ina ionad sin. Ní mór Foirmeacha [BOMR1](#) comhlánaithe a sheoladh ar aghaidh chuig oifig na scoile nó ar líne trí ríomhphost a sheoladh chuig eolas@gcr.ie. (D'fhéadfadh iarratasóir iarratas ar athbhreithniú a tharraingt siar am ar bith sula ndéantar cinneadh i leith an athbhreithnithe trí fhógra i scríbhinn a chur faoi bhráid an bhoird bainistíochta á rá sin.)

De rogha air sin, féadfaidh sé/sí cinneadh a dhéanamh achomharc a dhéanamh os comhair Coiste Achomhairc a bhunaigh an tAire Oideachais agus Scileanna faoi acht 29A den Acht Oideachais 1998. Ní mór achomhairc a dhéanamh i scríbhinn ar 'Fhoirm Iarratais ar Achomharc Alt 29' agus ní mór í a sheoladh ar aghaidh chuig an Aonad Riaracháin Achomhairc Alt 29 sa Roinn Oideachais. Is féidir an 'Fhoirm Iarratais ar Achomharc Alt 29' a íoslódáil ó láithreán gréasáin na Roinne nó is féidir í a fháil díreach ón Aonad Riaracháin Achomhairc Alt 29 sa Roinn Oideachais. Tá sonraí teagmhála an Aonaid ar fáil ar láithreán gréasáin na Roinne. De réir 'Nósanna Imeachta don Éisteacht agus don Chinneadh ar Achomhairc faoi Alt 29' na Roinne Oideachais, is féidir achomharc dá leithéid a thabhairt tráth nach déanaí ná 63 lá féilire tar éis an chéad chinnidh iontráil a dhiúltú.

Mura mbíonn Iarratasóir, a bhíonn ag lorg athbhreithniú ón bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a

dhéanamh os comhair Coiste Achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin, , mar atá leagtha amach san alt díreach roimhe seo.

5.2.3 Bunús le hathbhreithniú an bhoird bainistíochta

Faoi mar a éilítear in alt 29C(2) den Acht Oideachais 1998, ní mór aon iarraidh ar an mbord bainistíochta athbhreithniú a dhéanamh ar chinneadh na scoile iontráil a dhiúltú a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar athbhreithniú ar an gcinneadh amach ann.

ALT 6

IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

5 IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6.1 Coinníollacha Iontrála (seachas an Chéad Bhliain)

- 6.1.1. Ró-iarratas
- 6.1.2. Critéir roghnúcháin in ord tosaíochta
- 6.1.3. Próiseas roghnúcháin
- 6.1.4. Iarratais dhéanacha
- 6.1.5. Tairiscintí ar áit sa dara/tríú babhta
- 6.1.6. Glacadh le háit
- 6.1.7. Diúltú
- 6.1.8. Tairiscint a tharraingt siar
- 6.1.9. Achomhairc

6.2 Achomhairc

- 6.3.1. Achomharc sa chás gur bhain an diúltú le ró-iarratas
- 6.3.2. Achomharc sa chás gur bhain an diúltú le cúis eile seachas ró-iarratas
- 6.3.3. Bonn achomhairc

6.1 COINNÍOLLACHA IONTRÁLA (SEACHAS AN CHÉAD BHLIAIN)

Sa chás nach bhfuil ró-iarratas ar Gaelcholáiste Chomáin, tairgfear áit sa scoil do gach Dalta, faoi réir ailt 4.7,

6.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 6.1.2 thíos iad, agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Gaelcholáiste Chomáin in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

Nuair atá Clár Idirbhliana i Gaelcholáiste Chomáin agus é ró-shuibscríofa beidh Mac Léinn a dhéanann iarratas ar iontráil chuig clá(i)r dá leithéid faoi réir ag an bpolasaí seo agus, dá réir, cuirfear an tésin ar an liosta feithimh chuí a bhíonn tiomsaithecheana féin (go bliantúil) ag an scoil, arb é sin an liostaina mbeidh ainmneacha na mac léinn atá cláraithe sa scoil agus atá curtha ar liosta feithimh inmheánaigh don chlár/do na cláir seo.

6.1.2 Critéir roghnúcháin

Cuirfidh Gaelcholáiste Chomáin na critéir seo a leanas i bhfeidhm do bhliainghrúpa seachas do Ghrúpa na Chéad Bhliana:

- 6.1.2.1 Má tá cónaí ar an Dalta i gceantar na scoile;
- 6.1.2.2 Má tá siblíní leis an Dalta cláraithe sa scoil faoi láthair;
- 6.1.2.3 Má bhí siblíní leis an Dalta cláraithe sa scoil roimhe seo;

Ní chuirfear aon chritéir roghnúcháin nach n-áirítear sa Pholasáí Iontrála seo san áireamh agus cinneadh á dhéanamh cibé an bhfuil nó nach bhfuil Iarratasóir á ligean isteach.

6.1.3 Próiseas roghnúcháin

Cuirfidh Gaelcholáiste Chomáin an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéar roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéar. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéar agus tairgfear áit do na hIarratasóirí a shásaíonn an critéar seo. Leantar ar aghaidh leis an bpróiseas seo **in aghaidh gach critéar roghnúcháin** go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó cothrom le chéile sa phróiseas roghnúcháin thuasluaite, cuirfidh [Gaelcholáiste Chomáin] crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

6.1.4 Iarratais dhéanacha

Meastar gur iarratas déanach é iarratas a fhaigheann Gaelcholáiste Chomáin i ndiaidh an dáta deiridh a d'fhoilsigh Gaelcholáiste Chomáin agus a bhí leagtha amach san Fhógra Iontrála, chun críocha an Pholasáí Iontrála seo.

Sa chás go mbíonn ró-iarratas ar Gaelcholáiste Chomáin agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais, **beag beann ar critéar roghnúcháin curtha ar iarratas faighte roimh an spriocdháta d'iarratais.** Cuirfear iarratais dhéanacha dá leithéid sin ar an liosta feithimh de réir an dáta agus an ama a fuair an scoil iad, faoi réir ailt 4.7. **Ionas nach mbeadh aon amhras ann, ní bhaineann na critéar roghnúcháin le h-iarratas déanach.**

Sa chás nach bhfuil ró-iarratas ar Gaelcholáiste Chomáin agus go bhfaigheann sí iarratas déanach, tairgfear áit i Gaelcholáiste Chomáin don Dalta atá ag lorg iontrála, faoi réir ailt 4.7, agus baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Ghlaetha chuig an Iarratasóir agus

beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

6.1.5 Tairiscintí ar áit sa dara/tríú babhta

Sa chás go mbíonn tairiscint ar áit i Gaelcholáiste Chomáin ag Dalta ach nach nglacann sé/sí léi, nó go dtarraingíonn an scoil siar í de réir choinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líonfar gach áit sa scoil.

6.1.6 Glacadh le háit:

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlactha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlactha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlactha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

6.1.7 Diúltú:

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 6.1.7.1. Na cúiseanna nár tairgeadh áit i Gaelcholáiste Chomáin don Dalta;

- 6.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mblianghrúpa ar a bhfuil an tIarratasóir ag déanamh iarratais;
- 6.1.7.3. Sonraí faoi áit an Dalta ar an liosta feithimh, más bainteach; agus
- 6.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7, ní féidir tairiscint iontrála a dhéanamh sa chás:

- 6.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

6.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 6.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 6.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an dáta nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 6.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(eanna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit don bhliain acadúil sin (agus ní cuirfear an scoláire ar an liosta feithimh). Más mian l'Iarrthóir áit don bhliain acadúil sin fós, caithfear iarratas nua a dhéanamh ar son an Dalta sin agus glacfar leis mar iarratais dhéanacha de réir alt 6.1.4 thuas.

6.1.9 Achomhairc

Féach alt 6.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Gaelcholáiste Chomáin maidir le hiontráil i mbliainghrúpa seachas Grúpa na Chéad Bhliana.

6.2 ACHOMHAIRC

6.2.1 Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfadh bord bainistíochta Gaelcholáiste Chomáin ag Ros Dumhach, Beal an Atha, Co. Mhaigh Eo, Email:eolas@gcr.ie. athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

6.3.1. Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i Gaelcholáiste Chomáin dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfadh bord bainistíochta Gaelcholáiste Chomáin athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

6.3.2. Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

Daingnithe ag Bord Bainistíochta Gaelcholáiste Chomáin.